



UNIVERSITÄTS-
BIBLIOTHEK
PADERBORN

Universitätsbibliothek Paderborn

Concilia Galliæ Narbonensis

Baluze, Etienne

Parisiis, 1668

XLIII. Concordia Barcinone inita inter Reginam Aragonum Eleonoram & Bertrandum de Cosnaco Cardinalem Convenarum anno Christi MCCCLXXII.
Ex archivio regio Barcinonensi.

urn:nbn:de:hbz:466:1-14646

filo, & consuetudinibus Senescalliae & patriæ prædictarum, & aliis in contrarium editis non obstantibus quibuscumque. Quod ut firmum &c. Salvo &c. Datum apud nemus Vincennarum anno Domini millesimo CCCXXI. & regni nostri octavo, mensa Maij.

XLIII.

Concordia Barcinone inita inter Reginam Aragonum Eleonoram & Bertrandum de Cosnaco Cardinalem Convenarum anno Christi MCCCLXXII.

Ex archivo regio Barcinonensi.

CONCORDIA facta intercedente Domina Elionora Regina Aragonum & Cardinali Convenarum super quatuor gravaminibus prætensis per Prælatos Cathaloniæ. Quę quidem Concordia fuit facta in civitate Barchinonæ decima die Iunij anno à nativitate Domini millesimo trecentesimo septuagesimo secundo, & inde fuit factum publicum instrumentum per Guillermum Oliverij Secretarium Dominæ Reginę decima die Iunij anno prædicto MCCCLXXII. Sequitur Bulla Papæ Gregorij undecimi.

GREGORIUS Episcopus servus servorum Dei dilecto filio Bertrando sanctæ Romanæ Ecclesiæ Presbytero Cardinali, apostolicæ sedis Nuncio, salutem & apostolicam benedictionem. Charissimæ in Christo filiæ Elionoræ Reginæ Aragonum illustri scribimus, prout constat scedula præsentibus interclusa. Et ideo circumspetionem tuam attentè rogam

m iij

mus , tibi nihilominus per apostolica scripta mandantes , quatenus in præmissis , super quibus scribimus , paratus & operator existens , pro concordia ipsa fienda , servata tamen semper libertate ecclesiastica , opem des & operam efficaces . Datum Avinioni quarto Kalendas Decembbris , pontificatus nostri anno primo .

I N D E I N O M I N E . A M E N . Super prætensis quatuor gravaminibus quę Reverendus Pater Dominus Archiepiscopus Tarrachonę & nonnulli alij Prælati & Clerus provinciæ Tarrachonę petierunt revocari per Dominum Regem , post multos amfractus ventum est per Dominam Reginam Aragonum & Dominum Cardinalem Convenarum ad Concordiam infra scriptam .

I. Et in primis super processu soni emissi , de cuius effectu & extensione conqueruntur Prælati quod per ipsum derogatur ecclesiasticae libertati , concordatum est & deliberatum per prædictos Dominam Reginam & Dominum Cardinalem quod Dominus Rex declareret quod per dictum processum , qui pro generali jurisdictione sua , quam pro malefactoribus persequendis flagrante crimine habet & semper habuit in omnibus castris & villis sub sui principatu constitutis , cujuscunque soli existant , aliquam jurisdictionem non exerceat dictus Dominus Rex in quoscunque Clericos , licet malefactores ; immo si malefactor in virtute processus predicti comprehensus , Clericus reperiatur , quod remittendus sit suo ecclesiastico judici juxta canonicas sanções , quas præfatus Dominus Rex dicto casu vult inviolabiliter observari & remanere illęfas . Concordato insuper per dictos Dominam Reginam & Dominum Cardinalem , quod Prælatis vel alijs personis ecclesiasticis vel eorum officiali-

bus non impudentibus seu non resistentibus exercitio dictæ regiæ generalis jurisdictionis pro dictis malefactoribus persequendis, quod præfatus Dominus Rex vel officiales sui non possint nec præsumant sub prætextu dicti processus damnificare vel vastare castra & bona dictorum Prælatorum vel personarum ecclesiasticarum; quinimmo Dominus Rex contrafidentes puniet prout jura & etiam Constitutiones super dicto processu editæ postulant & requirunt. [Caput istud extat in secundo volumine Constitutionum Cataloniae lib. ix. Tit. XIV. cap. 1.]

II. Super processu verò pacis & treguæ, de quo seu cuius extensione dictus Dominus Archiepiscopus & Prælati conqueruntur, concordatum est per prædictos Dominam Reginam & Dominum Cardinalem, quod licet secundum formam Constitutionum expressè Clerici & personæ ecclesiasticæ tenentur ad observandam formam pacis & treguæ, maximè in Constitutione Domini Alfonsi primi, quæ incipit *Divinarum*, secundum quam non servantes sunt ejecti ab ipsa Constitutione à pace & tregua, quæ Constitutio fuit edita cum consensu Archiepiscopi Tarrachonæ apostolicæ sedis Legati & suffraganeorum suorum, prout ex ejus lectura patet, concordatum est quod declaretur per Dominum Regem quod non est neque fuit intentio Domini Regis quod ex dictis processibus Presbyteri vel Clerici soluti possent trahi ad judicium Vicarij seu alterius judicis secularis, sed solum moneri, non tamen judicialiter, ad observantiam formæ pacis. Et si moniti veniant, & pignora ponant in posse Vicarij tanquam sequestri utriusque partis seu mediæ personæ, cognitio querelæ factæ contra Clericum nec civiliter nec criminaliter poterit neque potest per Vicarium vel alium officiale regium expediri,

sed ad suū judicem remitti secundūm canonicas san-
ctiones. De pignoribus verò restituendis vel distra-
hendis fiat prout per judicem ecclesiasticum fuerit
declaratum. Si verò Clericus monitus non haberet
pignora tenentia , & juraret in posse judicis ecclae-
siastici vel Vicarij de licentia sui Ordinarij quod
non posset tornare pignora tenentia , & casu ipso
Clerico se ponente capto in posse judicis sui , & ju-
rante de stando juri & judicatum solvi cum suis clau-
sulis in posse sui judicis , à tornando pignora sit libe-
ratus. Concordato insuper per prædictos Domi-
nam Reginam & Dominum Cardinalem quod si
dictus Clericus vel alia persona ecclesiastica non
vult servare formam pacis , quod Vicarius vel judex
temporalis non ob hoc possit eum in persona vel in
bonis punire vel alias offendere quoquo modo ; sed
solūm succedit pro contumacia Constitutionis , vi-
delicet quæ propter hoc quia monitus formam Con-
stitutionis non servat , habet ipsum extra pacem;
sic scilicet quod damna , si forsan ei darentur , non
posset petere emendari secundūm formam & pri-
legium pacis. Iura tamen sibi competentia de jure
canonico vel civili vel alijs ex ecclesiastica liberta-
te , illa sibi remanent illibata , & super illis , dictis
ecclesiasticis , licet existentibus extra formam pa-
cis , justitiam facere tenebitur & faciet , dicta eje-
ctione in aliquo non obstante. [*Hoc caput extat in*
eodem volumine Constitutionum Cataloniae lib. x.
Tir. iv. cap. ii.]

III. Super eo verò quod conqueruntur quod
fieta suspicione Prælati & personæ ecclesiastice ejus-
ciuntur seu banniuntur de regno , concordatum est
quod illud , si unquam factum est , male factum est ,
cum evidenter sit contra ecclesiasticam libertatem ;
& est declaratum , quod Dominus Rex declaret

quod in posterum nunquam fiat. [Istud caput extat
in eodem volumine Constitutionum Cataloniae lib.
I, Tit. II, cap. iv.]

I V. Super eoverò quod conqueruntur de temporalitatibus occupandis &c. concordatum est quod Dominus Rex declareret quod Prælatis vel aliis personis ecclesiasticis facientibus processus ecclesiasticos in casibus pertinentibus ad eos de consuetudine vel de jure, non possit de justitia vel injustitia se intromittere processuum prædictorum, nec eos ad eorumdem revocationem per occupationem temporalatum vel alia remedia compellere quovis modo. Ubi verò evidenter vel notoriè jurisdictio regia per Prælatos impeditur, qui per processus suos jurisdictionem impediunt vel occupant temporalem; tunc non debent mirari Prælati, si per exercitium suæ superioritatis, quam universaliter habet in universis temporalibus regni sui, ad defensionem sui juris notorij adhibet remedia dudum à suis antecessoribus assueta. Ubi verò super hoc, an pertineat notoriè de consuetudine vel de jure ad Ecclesiam vel ad Regem jurisdictione super qua fuerit processus; tunc concordatum est quod communes personæ elegantur, videlicet una pro parte Regis, alia pro parte Ecclesiæ: quæ ambæ dictum dubium decidere teneantur, & sub juramento, infra tres menses, bona fide, dolo & fraude cessantibus. Proviso quod si dictæ duæ personæ infra dictos tres menses dictum dubium non potuerint vel noluerint terminare, tertium eligere teneantur, qui cum ambobus vel eorum altero infra mensim dictum dubium decidat, & ejus decisioni pareatur sub pena quingentorum morabatiorum. Intertim verò processus qui facti fuerint, absque cuiuscunque partis præjudicio suspendantur. Et si facti non fuerint, non siant quoisque dictum dubium.

fuerit terminatum. [Caput istud extat in eodem volumine Constitutionum Cataloniæ lib. III. tit. II, cap. I. & rursum jubetur observari in libro VI, cap. VI. & XI.]

XLIV,

Constitutio Francisci Patriarchæ Hierosolymitani & Episcopi Barcinonensis de Capella vestimentorum danda per quemlibet Episcopum sedis Barcinensis, edita anno M C C C C X X I I I.

Ex veteri codice nostro MS.

CLEMENS & misericors Dominus in eos suæ pietatis & clementiæ dona multiplicat quos non ingratos acceptorum donorum, ut novem ex decem leprosis fuere, sed beneficiorum habitorum jam memores, per exhibitionem tam spiritualium servitiorum quam etiam honorum temporalium gratos esse cognoscit. Cum igitur diversis provincialibus constitutionibus statutum existat ut quilibet Episcopus provinciæ Terraconensis infra triennium ex quo ad dictum sit statum assumptus, cathedrali Ecclesiæ, cui præfuerit, unam capellam vestimentorum pontificalium de pannis sericis vel aureis valoris ad minus CCC. florenorum auri de Aragonia facere vel ipsos CCC. florenos auri numeratos tradere teneatur, nisi medio tempore jocale æquivalens, de quo ipsius Ecclesiæ Capitulum contentetur, eidem Ecclesiæ dederit & tradiderit cum effectu; Nos Franciscus Patriarcha Hierosolymitanensis, Episcopus & Administrator perpetuus Ecclesiæ & sedis Bar-